

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo za obnovu, razvoj i povratak

Na osnovu Odluke Vlade Tuzlanskog kantona o raspoređivanju sredstava iz Budžeta Tuzlanskog kantona za 2008 godinu sa pozicije «Podrška razvoju kantona» podrška programima za očuvanje tradicionalnih i starih obrta broj:02/1-14-608/08 godine, Ministarstvo za obnovu, razvoj i povratak Tuzlanskog kantona, objavljuje

JAVNI KONKURS

za dodjelu grant (nepovratnih) sredstava za podsticaj razvoja tradicionalnih i starih obrta u Tuzlanskom kantonu za 2008. godinu

I Predmet konkursa

Predmet konkursa je prikupljanje programa - projekata za dodjelu grant - nepovratnih sredstava (utvrđenih budžetom Tuzlanskog kantona za 2008 godinu), radi podsticaja razvoja tradicionalnih i starih obrta u Tuzlanskom kantonu.

II Pravo učešća

Pravo učešća u Javnom konkursu imaju obrtnici, koji su na području Tuzlanskog kantona registrovani za obavljanje djelatnosti koja je predmet Javnog konkursa.-

Djelatnosti koje mogu učestvovati na određene su u Uredbi o zaštiti tradicionalnih i starih zanata (Službene novine FBiH br. 62/05)kako slijedi:

Božadžija, proizvođač džema i jabučnog sirčeta, mlinar, vodeničar, licitar, vunovlačar, tkalac, bojadžija, jorgandžija, ćilimar, užar, gajtandžija, pletač mreža, kitničar, pletač, vezilja, krojač terzija, krojač narodnih nošnji, klobučar, papudžija, krznar, kožar, tašnar, remenar, sedlar, sarač, mulabdžija, obučar, bačvar, stolar - modelar, drvotokar, drvorezbar, stolar - restaurator, samardžija, tesar ručne obrade, korpar, pletar, knjigovezac, kaligraf, staklopuhač, obrađivač optičkog stakla, staklobrusač, keramičar - modelar, dekorater keramike, lončar, grnčar, proizvođač kreča, kamanoklesar, proizvođač treseta, ugljar, ciglar, čerapičar, ljevač - modelar, kazandžija, kotlar, umjetnički kovač, potkivač, kalajdžija, metalostrugar - modelar, metaloglođač - modelar, oštrač, proizvođač sječiva, bičakdžija, limar, lančar, bravar - modelar, kujundžija, puškar, proizvođač ortopedskih pomagala, proizvođač čamaca, kolar, tapetar — dekorater, drvoprađivač tapetar, zlatar, filigranist, graditelj muzičkih instrumenata, orguljar, lutkar, bižuter, četkar, metlar, kišobrandija, proizvođač dugmadi, čibučar, sitar, vlasuljar, sviječar, zidar, sahadžija, podešivač muzičkih instrumenata, precizni mehaničar, fijakerist, dimnjačar, restaurator.

III Sadržaj programa - projekta

Da bi projekt bio predmet daljeg razmatranja stručne komisije Ministarstva potrebno je dostaviti:

1. Podatke o ponuđaču: naziv, tel/fax, e-mail, osoba za kontakt, pravni status, vrsta djelatnosti, broj zaposlenih, troškovi investicija ukupna ulaganja sa tačno naznačenim pozicijama (u šta se sve ulaže novac), iznos sredstava koja se traže od Ministarstva za obnovu, razvoj i povratak Tuzlanskog kantona i vlastita ulaganja
2. Obavezni prilozi:
 - Rješenje o odobrenju nadležne općine za obavljanje djelatnosti obrtnika
 - uvjerenje o broju uposlenih, izdato od PIO/MIO ne stariju od 90 dana,

- uvjerenje o uredno izmirenim porezima ne stariji od 90 dana,
 - potpisana i ovjerena izjava o uredno izmirenim zdravstveno i sicijalno osiguranje,
 - potpisana i ovjerena izjava da odgovorno lice nije u posljednjih 5 godina osuđivano u sudskom postupku za kršenje zakona u smislu poslovnog ponašanja.
 - potpisana i ovjerena izjava o namjeri namjenskog korištenja sredstava.
 - kopija lične karte.
3. Vrijednosti novčanih sredstava trebaju biti iskazane u konvertibilnim markama (KM)
4. Prije detaljne ocjene, stručna komisija ovog Ministarstva utvrdit će za svakog ponuđača sljedeće:
- da li je ponuda kompletna
 - da li su dokumenti iz ponude pravilno popunjeni i potpisani
 - da li ispunjava zahtjeve u smislu tražene dokumentacije

Broj prihvaćenih projekata - programa, te visina sredstava koja će se dati na raspolaganje korisniku, zavisit će isključivo o kvalitetu i stepenu povoljnosti projekta - programa. Odobrena suma može maksimalno iznositi do 5.000 KM.

IV Kriteriji za dodjelu su alijededi:

- kvalitet projekta - programa
- samozapošljavanje/povećanje zaposlenosti
- konjuktornost djelatnosti u sklopu tradicionalnih i starih obrta
- stepen samofinansiranja
- čuvanje kulturnog i povijesnog naslijeđa
- starost obrta/obiteljske tradicije
- očekivani efekti

Napomena:

1. Ponuđač, bez obzira sa koliko projekata-programa bude učestvovao, Ministarstvo će podržati samo jedan projekat.
2. Projektom -zahtijevana sredstva, ne mogu sadržavati troškove tekućih komunalnih usluga (telefon, struja, voda, i sl.), osobnih dohodaka (plaća, doprinos, službeni put i sl..

Sva dokumenta koja se prilažu, moraju biti izdata od strane nadležnih organa FBiH i ne mogu biti starija od 3 (tri) mjeseca od dana podnošenja zahtjeva. U suprotnom, kompletan projekat - program će biti odbijen i neće biti predmet daljeg razmatranja. Sve kopije moraju biti ovjerene od nadležnog organa izuzev lične karte. Program i sva dokumentacija tražena Javnim konkursom mora biti povezana u cijelinu logičnim redom.

Izbor korisnika, izvršit će stručna komisija Ministarstva obnove, razvoja i povratka, na temelju propisanih kriterija.

V Podnošenje projekta-programa

Zapedačene koverte sa projektom - programom sa odgovarajućim priložima šalju se preporučeno ili osobno dostavljaju na centralni protokol Ureda za zajedničke poslove kantonalnih organa na adresu:

Ministarstvo za obnovu, razvoj i povratak Tuzlanskog kantona, Slatina broj 2, 75000 Tuzla sa naznakom: NE OTVARATI - Prijava po Javnom konkursu "Poticaj razvoja tradicionalnih i starih obrta". Rok za dostavu aplikacije je 30 dana od dana objavljivanja ovog javnog konkursa. Projekti - programi primljeni nakon isteka roka, neće biti razmatrani.

VI Troškovi projekata - programa

U postupku konkursa Ministarstvo za obnovu, razvoj i povratak Tuzlanskog kantona ne snosi nikakve troškove učesnicima konkursa, te zadržava pravo da projekt - program, prihvati u cjelosti, djelomično ili ga u potpunosti odbije, poništi Javni konkurs ili odbaci sve projekte u bilo koje vrijeme, prije sklapanja Ugovora.

Ministarstvo za obnovu, razvoj i povratak Tuzlanskog kantona, ne snosi nikakvu odgovornost prema učesnicima konkursa, niti je obavezno objasniti razlog takve odluke.

Prispjela dokumentacija o programima - projektima, neće se vraćati.

VII Ostale odredbe

Sa kandidatima, ako je projekt - program odobren, Ministarstvo za obnovu, razvoj i povratak Tuzlanskog kantona, će potpisati ugovor o implementaciji dodijeljenih sredstava, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Pravo učešća na javni konkurs nemaju tradicionalni obrti koji su za poticaj dobili sredstva u 2007. godini od Tuzlanskog kantona.

Sve dodatne informacije, vezane za konkurs mogu se dobiti svakim radnim danom putem telefona broj; 035/288 953, 288 950 ill faksom: 288 951 od 11.00 do 15.00 sati, kontakt osoba Gaši Muhamed.